


十三經註

0512
479
66



明 12
疏
卷

波
21
66

東

春秋穀梁傳

晉 范甯集解
明 閔齊伋裁注

所錢
有恂

僖公

元年春王正月傳繼弑君不言即位正也

齊師宋師曹師次于聶北救邢傳救不言次

言次非救也非救而曰救何也遂齊侯之意

也是齊侯與齊侯也何用見其是齊侯也曹

宋火穀梁 僖公 一

無師曹師者曹伯也其不言曹伯何也以其不言齊侯不可言曹伯也其不言齊侯何也以其不足乎揚不言齊侯也

曹師左作曹伯

遂齊侯之意錄其本意也是齊侯與者怪其稱師也小國君將稱君卿將稱人不得稱師言師則是曹伯也曹君不可在師下故知是齊侯不足乎揚者救不及事不足稱揚矣

夏四月邾遷于夷儀傳遷者猶得其國家以往者也其地邾復見也

齊師宋師曹師城邾傳是向之師也使之如改事然美齊侯之功也

經不言遂重列三國之師若更別來城不因前事故云改事然

秋七月戊辰夫人姜氏薨于夷齊人以歸傳夫人薨不地地故也不言以喪歸非以喪歸

也加喪焉諱以夫人歸也其以歸薨之也

齊人實以夫人歸殺之于夷諱故使若自行至夷遇疾而薨然後齊人以喪歸也加喪焉謂歸在薨前而今在下蓋諱齊人以我夫人殺之故加喪文于上也經不言以喪歸者以本非以喪歸也傳例曰以者不以者也微旨見矣

楚人伐鄭

八月公會齊侯宋公鄭伯曹伯邾人于櫟

九月公敗邾師于偃傳不曰疑戰也疑戰而

曰敗勝內也

冬十月壬午公子友帥師敗莒師于麗獲莒

挈傳莒無大夫其曰莒挈何也以吾獲之目

之也內不言獲此其言獲何也惡公子之給

給者奈何公子友謂莒挈曰吾二人不相說

士卒何罪屏左右而相搏公子友處下左右

曰孟勞孟勞者魯之寶刀也公子友以殺之然則何以惡乎給也曰棄師之道也

傳例曰獲者不與之辭主善以內故內不

言獲也給欺給

十有二月丁巳夫人氏之喪至自齊傳其不言姜以其殺二子貶之也或曰為齊桓諱殺同姓也

二年春王正月城楚邱傳楚邱者何衛邑也

國而曰城此邑也其曰城何也封衛也則其不言城衛何也衛未遷也其不言衛之遷焉何也不與齊侯專封也其言城之者專辭也故非天子不得專封諸侯諸侯不得專封諸侯雖通其仁以義而不與也故曰仁不勝道閔二年狄入衛遂滅之存衛是桓之仁故通令城楚邱義不可以專封故不言遷衛夏五月辛巳葬我小君哀姜

虞師晉師滅夏陽傳非國而曰滅重夏陽也
 虞無師其曰師何也以其先晉不可以不言
 師也其先晉何也為主乎滅夏陽也夏陽者
 虞虢之塞邑也滅夏陽而虞虢舉矣虞之為
 主乎滅夏陽何也晉獻公欲伐虢荀息曰君
 何不以屈產之乘垂棘之璧而借道乎虞也
 公曰此晉國之寶也如受吾幣而不借吾道
 則如之何荀息曰此小國之所以事大國也

彼不借吾道必不敢受吾幣如受吾幣而借
 吾道則是我取之中府而藏之外府取之中
 府而置之外府也公曰宮之奇存焉必不使
 受之也荀息曰宮之奇之為人達心而懦
 又少長於君達心則其言略懦則不能彊諫
 少長於君則君輕之且夫玩好在耳目之前
 而患在一國之後此中知以上乃能慮之臣
 料虞君中知以下也公遂借道而伐虢宮之

奇諫曰晉國之使者其辭卑而幣重必不便於虞虞公弗聽遂受其幣而借之道宮之奇諫曰語曰唇亡則齒寒其斯之謂與挈其妻子以奔曹獻公亡虢五年而後舉虞荀息牽馬操璧而前曰璧則猶是也而馬齒加長矣此小國之此謂璧馬之屬達心言略者明達之人言則舉綱領要不言提其耳則愚者不悟

秋九月齊侯宋公江人黃人盟于貫傳貫之盟不期而至者江人黃人也江人黃人者遠國之辭也中國稱齊宋遠國稱江黃以為諸侯皆來至也

君子成人之美故褒益以為偏至之辭

冬十月不雨傳不雨者勤雨也

言不雨是欲得雨之心勤

楚人侵鄭

春秋穀梁

僖公

六

魯古婁

三年春王正月不雨傳不雨者勤雨也

夏四月不雨傳一時言不雨者閔雨也閔雨

者有志乎民者也

文二年自十有二月不雨至于秋七月傳

歷時而言不雨文不憂雨也此憂雨故時

時別言之

徐人取舒

六月雨傳雨云者喜雨也喜雨者有志乎民

者也

秋齊侯宋公江人黃人會于陽穀傳陽穀之

會桓公委端摺笏而朝諸侯諸侯皆諭乎桓

公之志

委委貌之冠端元端之服摺插也笏以記

事者此所謂衣裳之會

冬公子季友如齊莅盟傳莅者位也其不日

前定也不言及者以國與之也不言其人亦

春秋穀梁傳僖公

七 晉古婁

以國與之也

茲音利左作社二傳無季字

內之前定之盟謂之在外之前定之盟謂之來位也者盟誓之言素定今但往其位而盟也此傳是內外之通例不據此一文而已不言及者以國異之謂若外國之來盟及魯人往盟經直舉外來為文不言及者欲見以國與之也故舉國為主即宣七年衛侯使孫良夫來盟此公子季友如齊

莅盟是也不言其人亦以國與之謂不言來盟之類經雖言及而不書魯之主名者亦見舉國與之即成三年及荀庚盟是也

楚人伐鄭

四年春王正月公會齊侯宋公陳侯衛侯鄭伯許男曹伯侵蔡蔡潰傳潰之為言上下不相得也侵淺事也侵蔡而蔡潰以桓公為知所侵也不土其地不分其民明正也

遂伐楚次于陘傳遂繼事也次止也

夏許男新臣卒傳諸侯死於國不地死於外地死於師何為不地內桓師也

齊桓威德洽著諸侯安之雖卒於外與其

在國同

楚屈完來盟于師盟于召陵傳楚無大夫其曰屈完何也以其來會桓成之為大夫也其不言使權在屈完也則是正乎曰非正也以

其來會諸侯重之也來者何內桓師也于師前定也于召陵得志乎桓公也得志者不得志也以桓公得志為僮矣屈完曰大國之以兵向楚何也桓公曰昭王南征不反菁茅之貢不至故周室不祭屈完曰菁茅之貢不至則諾昭王南征不反我將問諸江

齊桓威陵江漢楚人大懼未能量敵遣屈

完如師完權事之宜以義却齊遂得與盟

以安竟內功皆在完故不言使也非正也者臣無自專之道也屈完來盟桓公退于召陵是屈完得其本志屈完得志則桓公不得志矣周昭王親征荆蠻反涉漢漢濱之人以膠膠船船壞昭王溺焉菁茅香草所以縮酒楚之職貢孔安國云菁以為菹茅以縮酒

齊人執陳袁濤塗傳齊人者齊侯也其人之

何也於是哆然外齊侯也不正其踰國而執也

哆然寬大之意疏外齊侯也

秋及江人黃人伐陳傳不言其人及之者何內師也

文承齊人執濤塗之下即云及江人黃人伐陳恐非魯及故云內師

八月公至自伐楚傳有二事偶則以後事致

春秋穀梁傳

僖公

十

卷一百一十五

春秋傳

和古禮

後事小則以先事致其以伐楚致大伐楚也

葬許穆公

冬十有二月公孫茲帥師會齊人宋人衛人

鄭人許人曹人侵陳

五年春晉侯殺其世子申生傳曰晉侯斥殺

惡晉侯也

斥指斥也

杞伯姬來朝其子傳婦人既嫁不踰竟踰竟

非正也諸侯相見曰朝伯姬為志乎朝其子也伯姬為志乎朝其子則是杞伯失夫之道矣諸侯相見曰朝以待人父之道待人之子非正也故曰杞伯姬來朝其子參譏也

參譏謂伯姬杞伯魯侯

夏公孫茲如牟

公及齊侯宋公陳侯衛侯鄭伯許男曹伯會

王世子于首戴傳及以會尊之也何尊焉王

春秋穀梁傳

僖公 十一 晉子其

世子云者唯王之貳也云可以重之存焉尊之也何重焉天子世子世天下也戴左作止

秋八月諸侯盟于首戴傳無中事而復舉諸侯何也尊王世子而不敢與盟也尊則其不敢與盟何也盟者不相信也故謹信也不敢以所不信而加之尊者桓諸侯也不能朝天子是不臣也王世子子也塊然受諸侯之尊已而立乎其位是不子也桓不臣王世子不

子則其所善焉何也是則變之正也天子微諸侯不享覲桓控大國扶小國統諸侯不能以朝天子亦不敢致天王尊王世子于首戴乃所以尊天王之命也世子含王命會齊桓亦所以尊天王之命也世子受之可乎是亦變之正也天子微諸侯不享覲世子受諸侯之尊己而天王尊矣世子受之可也

鄭伯逃歸不盟傳以其去諸侯故逃之也

傳例曰逃義曰逃是知實非逃矣

楚人滅弦弦子奔黃傳弦國也其不曰微國也

九月戊申朔日有食之

冬晉人執虞公傳執不言所於地緼於晉也其曰公何也猶曰其下執之之辭也其猶下執之之辭何也晉命行乎虞民矣虞號之相救非相為賜也今日亡號而明日亡虞矣

緼於晉謂時虞已包裹屬於晉故雖在虞執而不書其處也虞服于晉從晉命而執其君虞同于晉是以謂之晉人臣民執其君故稱公

六年春王正月

夏公會齊侯宋公陳侯衛侯曹伯伐鄭圍新城傳伐國不言圍邑此其言圍何也病鄭也著鄭伯之罪也

春秋穀梁

僖公

十三

秋楚人圍許諸侯遂救許傳善救許也

冬公至自伐鄭傳其不以救許致何也大伐

鄭也

七年春齊人伐鄭

夏小邾子來朝

鄭殺其大夫申侯傳稱國以殺大夫殺無罪

也

秋七月公會齊侯宋公陳世子款鄭世子華

盟于寧母傳衣裳之會也

寧公左作寧

曹伯班卒

公子友如齊

冬葬曹昭公

八年春王正月公會王人齊侯宋公衛侯許

男曹伯陳世子款盟于洮傳王人之先諸侯

何也貴王命也朝服雖敝必加於上弁冕雖

舊必加於首周室雖衰必先諸侯兵車之會

春火穀梁

僖公

十四

魯自書

也 鄭伯乞盟傳以向之逃歸乞之也乞者重辭也重是盟也乞者處其所而請與也蓋沟之也

傳曰人道貴讓也是故以乞為重重是盟者悔前逃歸故以重言也言乞知不自來矣沟之沟血以與之

夏狄伐晉

秋七月禘于大廟用致夫人傳用者不宜用者也致者不宜致者也言夫人必以其氏姓言夫人而不以氏姓非夫人也立妾之辭也非正也夫人之我可以不夫人之乎夫人卒葬之我可以不卒葬之乎一則以宗廟臨之而後貶焉一則以外之弗夫人而見正焉

左氏以夫人為哀姜因禘祭而致之于廟公羊以為僖公本娶楚女為嫡齊女為媵

齊女先至遂脅公使立之為夫人故因禘祭而見于廟此傳以為僖公之母成風也致之于廟立之以為夫人也夫人者正嫡之稱謂非崇妾之嘉號以妾體君則上下無別雖尊其母實卑其父故曰非正也夫人卒葬之見文四年五年臣無貶君之義故於太廟去夫人氏姓以明君之非正所謂以宗廟臨之也外之弗夫人謂秦人來

歸僖公成風之祧不言夫人也

冬十有二月丁未天王崩

九年春王三月丁丑宋公禦說卒

三左作正禦左作御

夏公會宰周公齊侯宋子衛侯鄭伯許男曹

伯于葵邱傳天子之宰通于四海宋其稱子

何也未葬之辭也禮柩在堂上孤無外事今

背殯而出會以宋子為無哀矣

周公益以冢宰而兼三公者三公論道之

官無事於會盟豕宰掌建王之六典以佐王治邦國故曰通于四海解其與會盟之事也宋子宋襄公

秋七月乙酉伯姬卒傳內女也未適人不卒此何以卒也許嫁笄而字之死則以成人之喪治之

吉笄以象為之刻鏤其首以為飾

九月戊辰諸侯盟于葵邱傳桓盟不曰此何

以曰美之也為見天子之禁故備之也葵邱之盟陳牲而不殺讀書加于牲上壹明天子之禁曰毋雍泉毋訖糴毋易樹子毋以妾為妻毋使婦人與國事

壹猶專也訖止也

甲子晉侯詭諸卒

冬晉里克殺其君之子奚齊傳其君之子云者國人不子也國人不子何也不正其殺世

春火穀梁僖公

十七 晉古書

子申生而立之也

十年春王正月公如齊

狄滅溫溫子奔衛

晉里克弑其君卓及其大夫荀息傳以尊及

卑也荀息閑也

夏齊侯許男伐北戎

晉殺其大夫里克傳稱國以殺罪累上也里

克弑二君與一大夫其以累上之辭言之何

也其殺之不以其罪也其殺之不以其罪奈

何里克所為弑者為重耳也夷吾曰是又將

殺我乎故殺之不以其罪也其為重耳弑奈

何晉獻公伐虢得麗姬獻公私之有二子長

曰奚齊稚曰卓子麗姬欲為亂故謂君曰吾

夜者夢夫人趨而來曰吾苦畏胡不使大夫

將衛士而衛冢乎公曰孰可使曰臣莫尊於

世子則世子可故君謂世子曰麗姬夢夫人

春秋

穀梁

僖公

六

卷一百一十五

趨而來曰吾苦畏女其將衛士而往衛冢乎
 世子曰敬諾築宮宮成麗姬又曰吾夜者夢
 夫人趨而來曰吾苦饑世子之宮已成則何
 為不使祠也故獻公謂世子曰其祠世子祠
 已祠致福於君君田而不在麗姬以醜為酒
 藥脯以毒獻公田來麗姬曰世子已祠故致
 福於君君將食麗姬跪曰食自外來者不可
 不試也覆酒於地而地賁以脯與犬犬死麗

姬下堂而啼呼曰天乎天乎國子之國也子
 何遲於為君君喟然歎曰吾與女未有過切
 是何與我之深也使人謂世子曰爾其圖之
 世子之傅里克謂世子曰入自明入自明則
 可以生不入自明則不可以生世子曰吾君
 已老矣已昏矣若此而入自明明則麗姬必
 死麗姬死則吾君不安所以使吾君不安者
 吾不若曰死吾寧自殺以安吾君以重耳為

春秋傳

稽古樓

寄矣勿服而死故里克所為弑者為重耳也
夷吾曰是又將殺我也

賁沸起也過切過差切急以重耳為寄者
慮麗姬又譖重耳故以託里克使保全之

秋七月

冬大雨雪

十有一年晉殺其大夫平鄭父傳稱國以殺
罪累上也

夏公及夫人姜氏會齊侯于陽穀

秋八月大雩傳雩月正也雩得雨曰雩不得
雨曰旱

冬楚人伐黃

十有二年春王正月庚午日有食之

夏楚人滅黃傳貫之盟管仲曰江黃遠齊而

近楚楚為利之國也若伐而不能救則無以

宗諸侯矣桓公不聽遂與之盟管仲死楚伐

齊人穀梁傳僖公

二十 晉古樓

春秋傳

江滅黃桓公不能救故君子閔之也

秋七月

冬十有二月丁丑陳侯杵臼卒杵公作處

十有三年春秋侵衛

夏四月葬陳宣公

公會齊侯宋公陳侯衛侯鄭伯許男曹伯于

鹹傳兵車之會也

秋九月大雩

冬公子友如齊

十有四年春諸侯城緣陵傳其曰諸侯散辭也聚而曰散何也諸侯城有散辭也桓德衰矣

直曰諸侯無小大之序非伯者所制故曰

散辭

夏六月季姬及繒子遇于防使繒子來朝傳

遇者同謀也來朝者來請已也朝不言使言

春秋穀梁

僖公

三

晉古妻

使非正也以病繒子也

使來朝請已為妻

秋八月辛卯沙鹿崩傳林屬於山為鹿沙山名也無崩道而崩故志之也其曰重其變也

鹿山足也

狄侵鄭

冬蔡侯肸卒傳諸侯時卒惡之也

十有五年春王正月公如齊

楚人伐徐

三月公會齊侯宋公陳侯衛侯鄭伯許男曹伯盟于牡邱傳兵車之會也

遂次于匡傳遂繼事也次止也有畏也

公孫敖帥師及諸侯之大夫救徐傳善救徐也

夏五月日有食之

秋七月齊師曹師伐厲

春秋穀梁

僖公

三

稽古婁

八月螽斯災也甚則月不甚則時

九月公至自會

季姬歸于繪

已卯晦震夷伯之廟傳晦冥也震雷也夷伯

魯大夫也因此以見天子至于士皆有廟天

子七廟諸侯五大夫三士二故德厚者流光

德薄者流卑是以貴始德之本也始封必為

祖

祖謂廟不毀者若契為殷祖棄為周祖

冬宋人伐曹

楚人敗徐于婁林傳夷狄相敗志也

起禍亂之原謹兵車之始

十有一月壬戌晉侯及秦伯戰于韓獲晉侯

傳韓之戰晉侯失民矣以其民未敗而君獲

也

十有六年春王正月戊申朔隕石于宋五傳

春秋穀梁

僖公

三

晉古婁

先隕而後石何也隕而後石也于宋四竟之內曰宋後數散辭也耳治也

隕而後石者既隕後乃知是石也石散在四竟之內故後言其數以散辭言之鴟則聚在宋都之上故先言其數以聚辭言之隕石先以耳聞故先言隕鴟退先以目見故先言數是各以聞見後先為次

是月六鴟退飛過宋都傳是月也決不日而

月也六鴟退飛過宋都先數聚辭也目治也子曰石無知之物鴟微有知之物石無知故月之鴟微有知之物故月之君子之於物無所苟而已石鴟且猶盡其辭而況於人乎故五石六鴟之辭不設則王道不亢矣民所聚曰都鴟五歷反左公作鷓

決不日而月者欲著石日鴟月故言是月若不言是月則嫌與戊申同矣石無知而

隕必天使之然故詳而日之鴉或時自欲退飛耳是以略而月之不遺微細故王道可舉矣

三月壬申公子季友卒傳大夫曰卒正也稱公弟叔仲賢也大夫不言公子公孫疏之也

傳因季友之賢發起其例

夏四月丙申繪季姬卒

秋七月甲子公孫茲卒傳大夫曰卒正也

冬十有二月公會齊侯宋公陳侯衛侯鄭伯許男邢侯曹伯于淮傳兵車之會也

十有七年春齊人徐人伐英氏

夏滅項傳孰滅之桓公也何以不言桓公也為賢者諱也項國也不可滅而滅之乎桓公知項之可滅也而不知已之不可以滅也既滅人之國矣何賢乎君子惡惡疾其始善善樂其終桓公嘗有存亡繼絕之功故君子為

齊人穀梁傳僖公

三五 魯古虞

之諱也

疾其始疾其初為惡之事不終身疾之樂其終謂有善事則終身善之矣

秋夫人姜氏會齊侯于卞

九月公至自會

冬十有二月乙亥齊侯小白卒傳此不正其日之何也其不正前見矣其不正之前見何也以不正入虛國故稱嫌焉爾

前見謂莊九年齊小白入于齊既不稱公子也虛國謂齊無人傳例曰以國氏者嫌也

十有八年春王正月宋公曹伯衛人邾人伐齊傳非伐喪也

夏師救齊傳善救齊也

五月戊寅宋師及齊師戰于贏齊師敗績傳戰不言伐客不言及言及惡宋也

春秋穀梁傳

僖公

三

卷一百一十五

春秋之例戰伐不並舉此上有伐文今又言戰是違常例又伐人者為客受伐者為主此言及齊師亦違常例故傳釋之以為惡未

狄救齊傳善救齊也

秋八月丁亥葬齊桓公

冬邢人狄人伐衛傳狄其稱人何也善累而後進之伐衛所以救齊也功近而德遠矣

累積也伐衛功近耳夷狄而憂中國其德遠矣

十有九年春王三月宋人執滕子嬰齊

夏六月宋公曹人邾人盟于曹南傳子會盟

于邾已酉邾人執繒子用之傳微國之君因

邾以求與之盟人因已以求與之盟已迎而

執之惡之故謹而日之也用之者叩其鼻以

衄社也

春秋穀梁傳僖公

二十七 卷下廿七

與厠豫已衄者釁也取鼻血以釁祭社器

秋宋人圍曹

衛人伐邢

冬會陳人蔡人楚人鄭人盟于齊公會

梁亡傳自亡也酒淫於色心昏耳目塞上無正長之治大臣背叛民為寇盜梁亡自亡也如加力役焉酒不足道也梁亡鄭棄其師我無加損焉正名而已矣梁亡出惡正也

鄭棄其師惡其長也

如加力役焉酒不足道者如使伐之而滅亡則淫酒不足記也使其自亡然後其惡明矣仲尼修春秋亦有改舊義以見褒貶者亦有因史成文以示善惡者其梁以自滅為文鄭棄其師之文是因史之文也故傳云我無加損焉正名而已矣惡正之正謂正教

春不傳

二十年春新作南門傳作為也有加其度也言新有故也非作也南門者法門也

非作也者責其改舊制也南面而治法令之所出入故曰法門

夏郟子來朝

五月乙巳西宮災傳謂之新宮則近為禰宮以諡言之則如疏之然以是為閔宮也

禰宮言新疏祖言諡在親疏之間故知是

閔宮

鄭人入滑

秋齊人狄人盟于邢傳邢為主焉爾邢小其為主何也其為主乎救齊

十八年邢人狄人伐衛以救齊

冬楚人伐隨傳隨國也

二十有一年春狄侵衛

宋人齊人楚人盟于鹿上

春秋穀梁傳僖公

三九

晉書

不傳

夏大旱傳旱時正也

補古

早必歷時非一月之事故書時為正

秋宋公楚子陳侯蔡侯鄭伯許男曹伯會于

雩執宋公以伐宋傳以重辭也雩左作于血

國之所重故曰重辭

冬公伐邾

楚人使宜申來獻捷傳捷軍得也其不曰宋捷何也不與楚捷於宋也

十有二月癸丑公會諸侯盟于薄釋宋公傳

會者外為主焉爾外釋不志此其志何也以

公之與之盟曰之也不言楚不與楚專釋也

公與諸侯盟而釋宋公公有功焉故目言之

之

二十有二年春公伐邾取須句

夏宋公衛侯許男滕子伐鄭

秋八月丁未及齊人戰于升陘傳內諱敗舉

春秋穀梁傳僖公

三十

卷之七

其可道者也不言其人以吾敗也不言及之者為內諱也

其人邾之主名及之者魯之主名也

冬十有一月己巳朔宋公及楚人戰于泓宋師敗績傳日事遇朔曰朔春秋三十有四戰未有以尊敗乎卑以師敗乎人者也以尊敗乎卑以師敗乎人則驕其敵襄公以師敗乎人而不驕其敵何也責之也泓之戰以為復

雩之恥也雩之恥宋襄公有以自取之伐齊之喪執滕子圍曹為雩之會不顧其力之不足而致楚成王成王怒而執之故曰禮人而不答則反其敬愛人而不親則反其仁治人而不治則反其知過而不改又之是謂之過襄公之謂也古者被甲嬰冑非以興國也則以征無道也豈曰以報其恥哉宋公與楚人戰于泓水之上司馬子反曰楚眾我少鼓險

而擊之勝無幸焉襄公曰君子不推人危不
攻人厄須其出旣出旌亂於上陳亂於下子
反曰楚眾我少擊之勝無幸焉襄公曰不鼓
不成列須其成列而後擊之則眾敗而身傷
焉七月而死倍則攻敵則戰少則守人之所
以為人者言也人而不能言何以為人言之
所以為言者信也言而不信何以為言信之
所以為信者道也信而不道何以為道道之

春秋傳

和古樓

貴者時其行勢也

無幸焉言若要而擊之必可破非僥倖也
須其出須其出險也列陳也道有時事有
勢何貴於道貴合於時何貴於時貴順於

勢

二十有三年春齊侯伐宋圍閔傳伐國不言
圍邑此其言圍何也不正其以惡報惡也閔

公作

春秋

穀梁

僖公

三

看古樓

春秋傳

卷之四

十八年宋伐齊之喪今齊乘勝而報是以惡報惡

夏五月庚寅宋公茲父卒傳茲父之不葬何也失民也其失民何也以其不教民戰則是棄其師也為人君而棄其師其民孰以為君哉

秋楚人伐陳

冬十有一月杞子卒

二十有四年春王正月

夏狄伐鄭

秋七月

冬天王出居于鄭傳天子無出出失天下也居者居其所也雖失天下莫敢有也

雖實出奔而王者無外王之所居則成王畿鄭不敢有之以為國

晉侯夷吾卒

春秋穀梁傳

僖公

卷之四

春秋傳

和百機

二十有五年春王正月丙午衛侯燬滅邶燬之名何也不正其伐本而滅同姓也**傳**

夏四月癸酉衛侯燬卒

宋蕩伯姬來逆婦蕩伯姬來逆婦非正也其曰婦何也緣姑言之**傳**婦人既嫁不踰竟宋蕩

伯姬來逆婦非正也其曰婦何也緣姑言之之辭也

宋殺其大夫宋殺其大夫不稱名姓以其在祖之位尊之也**傳**

孔子之祖孔父累於宋殤公而死今骨肉

在位而見殺故尊之隱而不忍稱名氏

秋楚人圍陳納頓子于頓納者內弗受也**傳**

圍一事也納一事也而遂言之蓋納頓子者

陳也

圍陳使納頓子

葬衛文公

冬十有二月癸亥公會衛子莒慶盟于洮衛**傳**

衛文公

三十四

春秋傳

和古梅

莒無大夫其曰莒慶何也以公之會目之也
二十有六年春王正月己未公會莒子衛甯
速盟于向**傳**公不會大夫其曰甯速何也以
其隨莒子可以言會也速公作速
齊人侵我西鄙公追齊師至薳弗及**傳**人微
者也侵淺事也公之追之非正也至薳急辭
也弗及者弗與也可以及而不敢及也其侵
也曰人其追也曰師以公之弗及大之也弗

及內辭也

薳弗左作薳不

至薳急辭明不至薳也弗與弗與戰也內
辭者若曰我自不及耳非齊不可及

夏齊人伐我北鄙

衛人伐齊

公子遂如楚乞師**傳**乞重辭也何重焉重人
之死也非所乞也師出不必反戰不必勝故
重之也

春秋穀梁傳僖公

三十五 僖公

秋楚人滅夔以夔子歸夔國也不曰微國也以歸猶愈乎執也夔公作魄

冬楚人伐宋圍閔傳伐國不言圍邑此其言圍何也以吾用其師目其事也非道用師也

楚人出師為魯伐齊而中道以伐宋故伐

圍兼書所以責楚

公以楚師伐齊取穀傳以者不以者也民者君之本也使民以其死非其正也

公至自伐齊傳惡事不致此其致之何也危之也

以蠻夷之師伐鄰近大國招禍深怨危亡之道

二十有七年春杞子來朝

夏六月庚寅齊侯昭卒

秋八月乙未葬齊孝公

乙巳公子遂帥師入杞

春秋

穀梁

僖公

冬楚人陳侯蔡侯鄭伯許男圍宋傳楚人者
 楚子也其曰人何也人楚子所以人諸侯也
 其人諸侯何也不正其信夷狄而伐中國也
 十有二月甲戌公會諸侯盟于宋
 二十有八年春晉侯侵曹晉侯伐衛傳再稱
 晉侯忌也

曹衛竝有宿怨於晉君子不念舊惡故再稱晉侯以刺之

公子買戍衛不卒戍刺之傳先名後刺殺有
 罪也公子啓曰不卒戍者可以卒也可以卒
 而不卒譏在公子也刺之可也

內諱殺大夫謂之刺蓋取周禮三刺之法

公子啓魯大夫

楚人救衛

三月丙午晉侯人曹執曹伯畀宋人傳人者
 內弗受也日入惡人者也以晉侯而斥執曹

水火穀梁

僖公

三七

晉侯

伯惡晉侯也界與也其曰人何也不以晉侯界宋公也

界者上與下之辭故不以侯界公

夏四月己巳晉侯齊師宋師秦師及楚人戰于城濮楚師敗績楚殺其大夫得臣衛侯出奔楚

五月癸丑公會晉侯齊侯宋公蔡侯鄭伯衛子莒子盟于踐土傳諱會天子也

陳侯如會傳如會外乎會也於會受命也

於會受命故書如會

公朝于王所傳朝不言所言所者非其所也非京師

六月衛侯鄭自楚復歸于衛傳自楚楚有奉焉爾復者復中國也歸者歸其所也鄭之名失國也

中國猶國中

春秋穀梁傳僖公

三六 晉古婁

衛元咺出奔晉

陳侯款卒

秋杞伯姬來

公子遂如齊

冬公會晉侯宋公蔡侯鄭伯陳子莒子邾子

秦人于温傳薛會天王也

天王守于河陽傳全天王之行也為若將守

而遇諸侯之朝也為天王諱也水北為陽山

南為陽温河陽也

守左公作符

壬申公朝于王所傳朝于廟禮也于外非禮

也獨公朝與諸侯盡朝也其日以其再致天

子故謹而日之主善以內日惡以外言曰公

朝逆辭也而尊天子會于温言小諸侯温河

北地以河陽言之大天子也日繫於月月繫

於時壬申公朝于王所其不月失其所繫也

以為晉文公之行事為已慎矣

春秋穀梁

僖公

三九

晉文公

主善於內謂公朝于王所目惡以外言再致天子也若公朝于廟則當言公如京師而今言公朝是逆常之辭雖逆常而曰公朝土所是尊天子矣故主內也溫河陽同耳小諸侯故以一邑言之尊天子故以廣大言之也慎慎倒也以臣召君慎倒上下日不繫於月猶諸侯不宗於天子

晉人執衛侯歸之于京師傳此人而執其不

言入何也不外王命於衛也歸之于京師緩辭也斷在京師也

入者自外來也伯者以王命討衛衛王之土故曰不外王命也辭閒容之故曰緩

衛元咺自晉復歸于衛傳自晉晉有奉焉爾復者復中國也歸者歸其所也

諸侯遂圍許傳遂繼事也

曹伯襄復歸于曹傳復者復中國也天子免

不火穀梁傳僖公

四

晉古婁

春秋

和古

之因與之會其曰復通王命也

遂會諸侯圍許傳遂繼事也

二十有九年春介葛盧來傳介國也葛盧微

國之君未爵者也其曰來卑也

公至自圍許

夏六月公會王人晉人宋人齊人陳人蔡人

秦人盟于翟泉左無公字翟公作狄

秋大雨雹

冬介葛盧來

三十年春王正月

夏狄侵齊

秋衛殺其大夫元咺傳稱國以殺罪累上也

以是為訟君也衛侯在外其以累上之辭言

之何也待其殺而後入也

元咺訟君之罪于伯者君忌之使人殺之

而後入也衛侯不思致訟之愆過而不改

春秋穀梁傳 僖公 聖 晉占婁

而又忌怨上下皆失故曰罪累上

及公子瑕傳公子瑕累也以尊及卑也

衛侯鄭歸于衛

晉人秦人圍鄭

介人侵蕭

冬天王使宰周公來聘傳天子之宰通于四

海

公子遂如京師遂如晉傳以尊遂乎卑此言

不敢叛京師也

三十有一年春取濟西田

公子遂如晉

夏四月四卜郊不從乃免牲猶三望傳夏四

月不時也四卜非禮也免牲者為之緇衣熏

裳有司立端奉送至于南郊免牛亦然乃者

亡乎人之辭也猶者可以已之辭也

望望祭山川之名謂海也岱也淮也郊春

春火穀梁

僖公

望

言古叢

事也四卜則入夏故為不時而非禮全曰
牲傷曰牛亡乎人若曰無賢人也望郊之
細也不郊無望可也

秋七月

冬杞伯姬來求婦傳婦人既嫁不踰竟杞伯
姬來求婦非正也

狄圍衛

十有二月衛遷於帝邱

三十有二年春王正月

夏四月己丑鄭伯捷卒捷公

衛人侵狄

秋衛人及狄盟

冬十有二月己卯晉侯重耳卒

三十有二年春王二月秦人入滑傳滑國也

齊侯使國歸父來聘

夏四月辛巳晉人及姜戎敗秦師于殽傳不

春火穀梁

僖公

三

晉文

言戰而言敗何也狄秦也其狄之何也秦越
千里之險入虛國進不能守退敗其師徒亂
人子女之教無男女之別秦之爲狄自教之
戰始也秦伯將襲鄭百里子與蹇叔子諫曰
千里而襲人未有不亡者也秦伯曰子之冢
木已拱矣何知師行百里子與蹇叔子送其
子而戒之曰女死必於穀之巖唵之下我將
尸女於是師行百里子與蹇叔子隨其子而

哭之秦伯怒曰何爲哭吾師也二子曰非敢
哭師也哭吾子也我老矣彼不死則我死矣
晉人與姜戎要而擊之殺匹馬倚輪無反者
晉人者晉子也其曰人何也微之也何爲微
之不正其釋殯而主乎戰也

入虛國春入滑也滑無備故言虛國也巖
唵之下其處險隘尸汝者收汝尸也倚輪

一隻之輪

晉火穀梁僖公

四

晉古婁

春秋傳

癸巳葬晉文公傳日葬危不得葬也

和

狄侵齊

公伐邾取訾樓

秋公子遂帥師伐邾

晉人敗狄于箕

冬十月公如齊十有二月公至自齊

乙巳公薨于小寢傳小寢非正也

隕霜不殺草傳未可殺而殺舉重也可殺而

不殺舉輕也

舉重謂定元年隕霜殺菽也輕謂草也輕者不死則重者可知矣

李梅實傳實之為言猶實也

實子也

晉人陳人鄭人伐許

春秋穀梁

僖公

四

卷

春秋穀梁傳僖公終

春秋穀梁傳

晉范甯集解

明閔齊伋裁注

文公

元年春王正月公即位傳繼正即位正也

繼正謂繼正卒也隱去即位以見讓桓書

即位示安忍莊閔僖不言即位皆繼弒

二月癸亥日有食之公羊作癸亥朔

春秋穀梁文公

稽古樓

春秋傳
天王使叔服來會葬傳葬曰會其志重天子之禮也

言會明非一人之辭

夏四月丁巳葬我君僖公傳薨稱公舉上也葬我君接上下也僖公葬而後舉諡諡所以成德也於卒事乎加之矣
天王使毛伯來錫公命傳禮有受命無來錫命錫命非正也

晉侯伐衛

叔孫得臣如京師

衛人伐晉

秋公孫敖會晉侯于戚

冬十月丁未楚世子商臣弒其君髡傳曰髡之卒所以謹商臣之弒也夷狄不言正不正

髡左氏作
顏音均

中國君卒正者例日不正者不日夷狄皆

象火穀梁文公

二 晉侯伐衛

卒而不日所以殊夷夏也今書日謹識商臣之大逆爾不以明髡正不正

公孫敖如齊

二年春王二月甲子晉侯及秦師戰于彭衙秦師敗績

丁丑作僖公主傳作為也為僖公主也立主喪主於虞吉主於練作僖公主譏其後也作主壞廟有時日於練焉壞廟壞廟之道易檐

可也改塗可也

懷音

禮平旦而葬日中反而祭謂之虞期而小祥日練僖薨已十七月故譏後也禮親過高祖則毀其廟以次而遷易檐改塗者將納新神故示有所加也

三月乙巳及晉處父盟傳不言公處父仇也為公諱也何以知其與公盟以其日也何以不言公之如晉所恥也出不書反不致也

春秋穀梁

文公

三

晉古婁

春秋傳

禮記

夏六月公孫敖會宋公陳侯鄭伯晉士穀盟于垂斂傳內大夫可以會外諸侯斂左作斂自十有二月不雨至于秋七月傳歷時而言不雨文不憂雨也不憂雨者無志乎民也

僖公憂民歷一時輒書不雨今歷四時乃書是不勤雨也

八月丁卯大事于大廟躋僖公傳大事者何大是事也著禘嘗禘祭者毀廟之主陳于大

祖未毀廟之主皆升合祭于大祖躋升也先親而後祖也逆祀也逆祀則是無昭穆也無昭穆則是無祖也無祖則無天也故曰文無天無天者是無天而行也君子不以親親害尊尊此春秋之義也躋于兮反

禘合也祭之大者故云大是事也嘗秋祭也著禘嘗者謂以大事言之著明是禘嘗之祭也嘗連言者禘必在秋故連嘗言之

春秋穀梁文公

四 嘗五其

逆祀舊云僖公閔公庶兄故文公升僖公主於閔公之上耳僖公雖長已為臣矣閔公雖小已為君矣臣不可以先君猶子不可以先父故以昭穆父祖為喻范氏曰親謂僖祖謂莊

冬晉人宋人陳人鄭人伐秦

公子遂如齊納幣

三年春王正月叔孫得臣會晉人宋人陳人

衛人鄭人伐沈沈潰

夏五月王子虎卒傳叔服也此不卒者何以其來會葬我卒之也或曰以其嘗執重以守也守去聲

秦人伐晉

秋楚人圍汴

雨蝨于宋傳外災不志此何以志也曰災甚也其甚奈何茅茨盡矣著於上見於下謂之

春火穀梁

文公

五

晉古婁

雨

春秋傳

卷之四

冬公如晉十有二月己巳公及晉侯盟

晉陽處父帥師伐楚救江傳此伐楚其言救

江何也江遠楚近伐楚所以救江也

四年春公至自晉

夏逆婦姜于齊傳其曰婦姜為其禮成乎齊

也其逆者誰也親逆而稱婦或者公與何其

速婦之也曰公也其不言公何也非成禮於

齊也曰婦有姑之辭也其不言氏何也貶之也何為貶之也夫人與有貶也

其逆者四句皆問辭以使大夫逆例稱女

而今稱婦為是公親逆歎怪稱婦速故反

覆推之非責也夫人能以禮自防則夫婦

之禮不成於齊故譏公而夫人與焉

狄侵齊

秋楚人滅江

春秋穀梁文公

六 晉古婁

晉侯伐秦

衛侯使甯俞來聘

冬十有一月壬寅夫人風氏薨

五年春王正月王使榮叔歸含且賵傳含一

事也賵一事也兼歸之非正也其曰且志兼

也其不言來不周事之用也賵以早而含已

晚

乘馬曰賵乘馬所以助葬者成風未葬故

云賵以早已殯故云含已晚

三月辛亥葬我小君成風王使毛伯來會葬

傳會葬之禮於鄙上毛左氏公羊及徐邈本俱作召

從竟至墓主為送葬來

夏公孫敖如晉

秦人人都都音若

秋楚人滅六

冬十月甲申許男業卒

春火穀梁文公

六年春葬許僖公

夏季孫行父如陳

秋季孫行父如晉

八月乙亥晉侯驩卒

冬十月公子遂如晉葬晉襄公

晉殺其大夫陽處父傳稱國以殺罪累上也

襄公已葬其以累上之辭言之何也君漏言

也上泄則下闇下闇則上且闇且聾無以

相通夜姑殺者也夜姑之殺奈何曰晉將與

狄戰使狐夜姑為將軍趙盾佐之陽處父曰

不可古者君之使臣也使仁者佐賢者不使

賢者佐仁者今趙盾賢夜姑仁其不可乎襄

公曰諾謂夜姑曰吾始使盾佐女今女佐盾

矣夜姑曰敬諾襄公死處父主竟上事夜姑

使人殺之君漏言也故士造辟而言詭辭而

出曰用我則可不用我則無亂其德造音糙辟音壁

春秋傳 穀梁 文公

八 晉一其

臣聞不言君無所聞上下否塞無以相通矣賢多才也仁者惻隱之心不如多才者有才略也辟君也詭辭而出不以實告人也用我以下士對君言之辭

晉狐夜姑出奔狄

夜公左作射

閏月不告月猶朝于廟傳不告月者何也不告朔也不告朔則何為不言朔也閏月者附月之餘日也積分而成於月者也天子不以

告朔而喪事不數也猶之為言可以已也

禮天子以十二月朔政班告于諸侯諸侯

受于禰廟孝子尊事先君不敢自專也事

畢感月始而朝之閏是叢殘之數非月之

正故吉凶大事皆不用也不數所右也

七年春公伐邾三月甲戌取須句傳取邑不

日此其日何也不正其再取故謹而日之也

僖二十二年己伐邾取須句

春秋

穀梁

文公

九

稽古樓

春秋傳

和

遂成部傳遂繼事也

部音吾

夏四月宋公壬臣卒

壬左公作王

宋人殺其大夫傳稱人以殺誅有罪也

戊子晉人及秦人戰于令狐晉先蔑奔秦傳

不言出在外也輟戰而奔秦以是為逃軍也

蔑公作昧昧下有以師二字

狄侵我西鄙

秋八月公會諸侯晉大夫盟于扈傳其曰諸

侯略之也

公為諸侯所賤不得序于會諱使若扈之

盟都不可知也

冬徐伐莒

公孫敖如莒蒞盟傳蒞位也其曰位何也前

定也其不日前定之盟不日也

八年春王正月

夏四月

春秋

穀梁

文公

十

卷五

春秋傳

稽古樓

秋八月戊申天王崩

冬十月壬午公子遂晉趙盾盟于衡雍

乙酉公子遂會雒戎盟于暴

左公作伊雒戎

公孫敖如京師不至而復丙戌奔莒

傳不言

所至未如也未如則未復也未如而曰如不

廢君命也未復而曰復不專君命也其如非

如也其復非復也唯奔莒之為信故謹而曰

之也

公羊作不至復無而字

書如京師以顯命行於下也復者未畢之辭加畢事之文者君命無輒專之道也

螽

宋人殺其大夫司馬**傳**司馬官也其以官稱無君之辭也

七年殺其大夫實無君也今殺其司馬無人君之德耳殺其司馬奔其司城無道之甚故稱官以見輕慢

春秋穀梁文公

十一

管古樓

宋司城來奔傳司城官也其以官稱無君之辭也來奔者不言出舉其接我也

九年春毛伯來求金傳求車猶可求金甚矣夫人姜氏如齊

二月叔孫得臣如京師傳京大也師眾也言周必以眾與大言之也

辛丑葬襄王傳天子志崩不志葬舉天下而葬一人其道不疑也志葬危不得葬也日之

甚矣其不葬之辭也

不得葬不得備禮葬也不葬之辭者王室微弱諸侯無復往會葬者耳

晉人殺其大夫先都

三月夫人姜氏至自齊傳卑以尊致病文公也

夫人行例不致乃以君禮致刺公寵之過

晉人殺其大夫士穀及箕鄭父傳稱人以殺

魯火穀梁文公

十二

晉古樓

誅有罪也鄭父累也

楚人伐鄭

公子遂會晉人宋人衛人許人救鄭

夏狄侵齊

秋八月曹伯襄卒

九月癸酉地震傳震動也地不震者也震故

謹而日之也

冬楚子使欬來聘傳楚無大夫其曰欬何也

以其來我褒之也

欬子遙反或作
菽左公作椒

秦人來歸僖公成風之襚傳秦人弗夫人也

卽外之弗夫人而見正焉

秦人弗以成風爲夫人故不言夫人見不

以妾爲妻之正

葬曹共公

十年春王三月辛卯臧孫辰卒

夏秦伐晉

春秋穀梁文公

春秋傳

卷之四

楚殺其大夫宜申

自正月不雨至于秋七月傳歷時而言不雨

及蘇子盟于女栗

冬狄侵宋

楚子蔡侯次于厥貉

厥公作屈貉音陌

十有一年春楚子伐麋

麋九倫反公作圖

夏叔彭生會晉卻缺于承匡

卻音隙左叔下有仲字匡作筐

秋曹伯來朝

公子遂如宋

狄侵齊

冬十月甲午叔孫得臣敗狄于鹹傳不言帥

師而言敗何也直敗一人之辭也一人而曰

敗何也以眾焉言之也傳曰長狄也弟兄三

人佚宕中國瓦石不能害叔孫得臣最善射

者也射其目身橫九畝斷其首而載之眉見

春秋

穀梁

文公

十四

繪古樓

於軾然則何為不言獲也曰古者不重創不禽二毛故不言獲為內諱也其之齊者王子成父殺之則未知其之晉者也佚大結反斷音短其力足以敵眾故以眾言之佚猶更也廣一步長百步為一畝九畝五丈四尺也既射其目又斷其首為重創矣

十有二年春王正月邾伯來奔

杞伯來朝

三月庚子子叔姬卒傳其曰子叔姬貴也公之岳姊妹也其卒傳曰許嫁以卒之也男子二十而冠冠而列丈夫三十而娶女子十五而許嫁二十而嫁

夏楚人圍巢

秋滕子來朝

秦伯使術來聘術公羊作遂

冬十有二月戊午晉人秦人戰于河曲傳不

春秋穀梁文公

言及秦晉之戰已亟故略之也

季孫行父帥師城諸及鄆傳稱帥師言有難

也鄭公羊作運

十有三年春王正月

夏五月壬午陳侯朔卒

邾子貜條卒左傳作藎條

自正月不雨至于秋七月

大室屋壞傳大室屋壞者有壞道也譏不修

也大室猶世室也周公曰大廟伯禽曰大室

羣公曰宮禮宗廟之事君親割夫人親春敬

之至也為社稷之主而先君之廟壞極稱之

志不敬也大室公羊作世室

世世有是室故言世室爾雅曰室有東西

廂曰廟宮謂之室室謂之宮然則其實一

也蓋尊伯禽而異其名耳割割牲春春黍

盛極稱言屋壞不復依違其文也

春秋穀梁文公

卷二十一

宋和傳

冬公如晉衛侯會公于沓公會下無公字

稽古樓

狄侵衛

十有二月己丑公及晉侯盟還自晉傳還者

事未畢也自晉事畢也左傳還上有公字

知還是事未畢者以未至國都而鄭伯會公于棗故也知自晉是事畢者以其與致文同故也

鄭伯會公于棗公羊作棗

十有四年春王正月公至自晉

邾人伐我南鄙

叔彭生帥師伐邾

夏五月乙亥齊侯潘卒

六月公會宋公陳侯衛侯鄭伯許伯曹伯晉

趙盾癸酉同盟于新城傳同者有同也同外

楚也

秋七月有星孛入于北斗傳孛之為言猶彗

春秋穀梁文公

十七

晉左傳

也其曰入北斗斗有環域也

斗音佩
斗音弗

據亭于大辰及東方皆不言入此言入者
明斗有規郭入其魁中也

公至自會

晉人納捷菑于邾弗克納傳是郤克也其曰
人何也微之也何為微之也長轂五百乘縣
地千里過宋鄭滕薛魯入千乘之國欲變人
之主至城下然後知何知之晚也弗克納未

伐而曰弗克何也弗克其義也捷菑晉出也

獲且齊出也獲且正也捷菑不正也

捷公作
接郤克

公羊作郤缺左氏
作趙盾且子餘反

兵車一乘甲士三人步卒七十二人五百
乘合三萬七千五百人縣猶瀰漫寬猶遠
也變人之主謂時邾已立獲且也姊妹之
子曰出

九月甲申公孫敖卒于齊傳奔大夫不言卒

春秋穀梁

文公

十六

晉二

而言卒何也為受其喪不可不卒也其地於外也

齊公子商人弒其君舍傳舍未踰年其曰君何也成舍之為君所以重商人之弒也商人其不以國氏何也不以嫌代嫌也舍之不日何也未成為君也

不以國氏據隱四年衛州吁弒其君完以國氏不言公子也春秋以正治不正不以

亂平亂舍不宜立有不正之嫌商人專權有當國之嫌故不書國氏明不以嫌相代宋子哀來奔傳其曰子哀失之也

失其氏族不知何人

冬單伯如齊齊人執單伯傳私罪也單伯淫于齊齊人執之

齊人執子叔姬傳叔姬同罪也

十有五年春季孫行父如晉

三月宋司馬華孫來盟傳司馬官也其以官稱無君之辭也來盟者何前定也不言及者以國與之也

夏曹伯來朝

齊人歸公孫敖之喪

六月辛丑朔日有食之鼓用牲于社

單伯至自齊傳大夫執則致致則名此其不名何也天子之命大夫也

晉郤缺帥師伐蔡戊申入蔡

秋齊人侵我西鄙傳其曰鄙遠之也其遠之何也不以難介我國也

介猶近也

季孫行父如晉

冬十有一月諸侯盟于扈

十有二月齊人來歸子叔姬傳其曰子叔姬貴之也其言來歸何也父母之於子雖有罪

穀梁文公

三十一 晉五婁

猶欲其免也

齊侯侵我西鄙遂伐曹入其郛

十有六年春季孫行父會齊侯于陽穀齊侯

弗及盟傳弗及者內辭也行父失命矣齊得

內辭也

行父出會失辭義無可納故齊侯以正道

拒而弗受

夏五月公四不視朔傳天子告朔于諸侯諸

侯受乎禴廟禮也公四不視朔公不臣也以

公為朕政以甚矣

六月戊辰公子遂及齊侯盟于師邱傳復行

父之盟也師左作鄆公作屏

春齊侯不與行父盟故復使遂修之

秋八月辛未夫人姜氏薨

毀泉臺傳喪不貳事貳事緩喪也以文為多

失道矣自古為之今毀之不如勿處而已矣

春秋穀梁文公

三十一 諸古樓

楚人秦人巴人滅庸

冬十有一月宋人弑其君杵臼杵公作處

十有七年春晉人衛人陳人鄭人伐宋

夏四月葬我小君聲姜聲公作聖

齊侯伐我西鄙

六月癸未公及齊侯盟于穀

諸侯盟于扈

秋公至自穀

冬公子遂如齊

十有八年春王二月丁丑公薨于臺下傳臺下非正也

秦伯罃卒

夏五月戊戌齊人弑其君商人

六月癸酉葬我君文公

秋公子遂叔孫得臣如齊傳使舉上客而不稱介不正其同倫而相介故列而數之也

春秋穀梁

文公

三

晉書

上客聘主也禮大夫為卿介遂與得臣俱卿是以同倫為副使矣

冬十月子卒傳子卒不日故也

故殺也公子遂與宣公共弑不稱殺諱也夫人姜氏歸于齊傳惡宣公也有不待貶絕而罪惡見者有待貶絕而惡從之者姪娣者不孤子之意也一人有子三人緩帶一曰就賢也姪大結反

姜氏子赤之母其子被殺故大歸宣公亦文公之子其母敬嬴惡宣公者惡不奉姜氏也直書姜氏之歸則宣公罪惡不貶而自見矣不孤子言其一人有子則共養也緩帶者優游之謂上文直云姪娣者所以分別尊卑明夫人須媵妾之意下文總言緩帶者欲見有子則喜樂之情均貴賤之意等宣公為人君不尊養姜氏非緩帶之

春秋

穀梁

文公

三

卷五

春秋傳

和古禮

謂也就賢者若竝有子則就其賢謂年同也宣公不奉哀姜非此之謂故惡之

季孫行父如齊

莒弒其君庶其

春秋穀梁傳文公終

春秋穀梁傳

晉 范甯集解

明 閔齊伋裁注

宣公

元年春王正月公即位傳繼故而言即位與聞乎故也

解見桓元年

公子遂如齊逆女

春秋穀梁傳宣公

宣公

三月遂以夫人婦姜至自齊傳其不言氏喪未畢故略之也其曰婦緣姑言之之辭也遂之挈由上致之也

挈者謂去氏族而直書名上謂宣公

夏季孫行父如齊

晉放其大夫胥甲父于衛傳放猶屏也稱國以放放無罪也

屏除也

公會齊侯于平州公子遂如齊

六月齊人取濟西田傳內不言取言取授之也以是為賂齊也

宣公弒立賂齊以自輔恥賂之故書齊取

秋邾子來朝

楚人鄭人侵陳遂侵宋傳遂繼事也

晉趙盾帥師救陳傳善救陳也

宋公陳侯衛侯曹伯會晉師于棗林伐鄭傳

宋公穀梁

宣公

二

晉古婁

列數諸侯而會晉趙盾大趙盾之事也其曰師何也以其大之也于棗林地而後伐鄭疑辭也此其地何則著其美也作斐

夫救災恤患其道宜速方云會于棗林然

後伐鄭狀似伐鄭有疑須會乃定曰非也

欲美趙盾之功故詳錄其會地耳

冬晉趙穿帥師侵崇崇公作柳

晉人宋人伐鄭傳伐鄭所以救宋也

二年春王二月壬子宋華元帥師及鄭公子

歸生帥師戰于大棘宋師敗績獲宋華元傳

獲者不與之辭也言盡其眾以救其將也以

三軍敵華元華元雖獲不病矣

華元得眾故不與鄭獲之

秦師伐晉

夏晉人宋人衛人陳人侵鄭

秋九月乙丑晉趙盾弑其君夷皋傳穿弑也

宋火穀梁宣公

三晉五婁

盾不弑而曰盾弑何也以罪盾也其以罪盾何也曰靈公朝諸大夫而暴彈之觀其辟丸也趙盾入諫不聽出亡至于郊趙穿弑公而後反趙盾史狐書賊曰趙盾弑公盾曰天乎天乎予無罪孰為盾而忍弑其君者乎史狐曰子為正卿入諫不聽出亡不遠君弑反不討賊則志同志同則書重非子而誰故書之曰晉趙盾弑其君夷皋者過在下也曰於盾

也見忠臣之至於許世子止見孝子之至

書重謂盾是正卿又賢也盾以亡不出竟反不討賊受弑君之罪忠不至故也止以病不知嘗藥受弑父之罪孝不至故也

冬十月乙亥天王崩

三年春王正月郊牛之口傷傳之口緩辭也傷自牛作也

改卜牛牛死乃不郊傳事之變也乃者亡乎

春秋傳

人之辭也

譏公不恭致天變

猶三望

葬匡王

楚子伐陸渾戎

陸公作賁渾左氏有之字

夏楚人侵鄭

秋赤狄侵齊

宋師圍曹

冬十月丙戌鄭伯蘭卒

葬鄭穆公

四年春王正月公及齊侯平莒及邾莒人不肯傳及者內為志焉爾平者成也不肯者可以肯也

公伐莒取向傳伐猶可取向甚矣莒人辭不受治也伐莒義兵也取向非也乘義而為利也

春秋穀梁宣公

五 晉古婁

乘義取邑莒人所以不服

秦伯稻卒

夏六月乙酉鄭公子歸生弑其君夷

赤狄侵齊

秋公如齊公至自齊

冬楚子伐鄭

五年春公如齊

夏公至自齊

秋九月齊高固來逆子叔姬傳諸侯之嫁子於大夫主大夫以與之來者接內也不正其接內故不與夫婦之稱也

解見莊二十七年

叔孫得臣卒

冬齊高固及子叔姬來傳及者及吾子叔姬也為使來者不使得歸之意也

叔姬歸寧當以獨來為文高固奉命宜云

來聘經總之言來故書及為非禮

楚人伐鄭

六年春晉趙盾衛孫免侵陳傳此帥師也其不言帥師何也不正其敗前事故不與帥師也

元年救而今更侵之

夏四月

秋八月冬螽

冬十月

七年春衛侯使孫良夫來盟傳來盟前定也不言及者以國與之不言其人亦以國與之不曰前定之盟不曰

夏公會齊侯伐萊

秋公至自伐萊

大旱

冬公會晉侯宋公衛侯鄭伯曹伯于黑壤

春大穀梁宣公

八年春公至自會

夏六月公子遂如齊至黃乃復傳乃者亡乎人之辭也復者事畢也不專公命也

大夫受命而出雖死以尸將事今遂以疾而還失禮違命故曰亡乎人言魯使不得其人也遂以疾反而加事畢之文者不使遂專命而還也

辛巳有事于大廟仲遂卒于垂傳為若反命

而後卒也此公子也其曰仲何也疏之也何為疏之也是不卒者也不疏則無用見其不卒也則其卒之何也以譏乎宣也其譏乎宣何也聞大夫之喪則去樂卒事

祭于大廟之日而知仲遂卒垂齊地先書復後言卒使若遂已反命于君而後卒于垂也是不卒謂遂與宣公共弒子赤也若書公子則與正卒者同故去公子以見之

其卒之何也者據公子翬不書卒也去樂卒事云者言今不然故譏之

壬午猶釋萬入去籥傳猶者可以已之辭也釋者祭之日日之享賓也萬入去籥以其為之變譏之也

萬舞名籥管也內舞去籥惡其聲聞此為卿變於常禮是知其不可而為之也

戊子夫人熊氏薨

熊左作贏

晉師白狄伐秦

楚人滅舒鄆

左公作蓼

秋七月甲子日有食之既

冬十月己丑葬我小君頃熊雨不克葬傳葬

既有日不為雨止禮也雨不克葬喪不以制

也

頃音傾左作敬

喪不以制舊解謂不當臨雨而制喪事豈有執紼者五百人觸雨而行哉徐邈曰喪

承火穀梁宣公

事有進無退又土喪禮有潦車載簣笠則人君之張設固兼備矣葬為雨止喪事不以禮制也

庚寅日中而克葬傳而緩辭也足乎日之辭也

定十五年日下稷乃克葬彼云乃急辭也是二文相對為緩急公羊傳曷為或言而或言乃乃難乎而也

城平陽

楚師伐陳

九年春王正月公如齊公至自齊

夏仲孫蔑如京師

齊侯伐萊

秋取根牟

八月滕子卒

九月晉侯宋公衛侯鄭伯曹伯會于扈

春火穀梁

宣公

十

晉平公

晉荀林父帥師伐陳

辛酉晉侯黑臀卒于扈傳其地於外也其日

未踰竟也臀徒門反

於外謂國都之外

冬十月癸酉衛侯鄭卒

宋人圍滕

楚人伐鄭晉卻缺帥師救鄭

陳殺其大夫泄冶傳稱國以殺其大夫殺無

罪也泄冶之無罪如何陳靈公通於夏徵舒

之家公孫寧儀行父亦通其家或衣其衣或

衷其襦以相戲于朝泄冶聞之入諫曰使國

人聞之則猶可使仁人聞之則不可君愧於

泄冶不能用其言而殺之泄左作洩

衷者襦在衷也

十年春公如齊公至自齊齊人歸我濟西田

傳公娶齊齊由以為兄弟反之不言來公如

宣公

十一

齊受之也

爾雅釋親曰婦之黨為婚兄弟

夏四月丙辰日有食之

己巳齊侯元卒

齊崔氏出奔衛傳氏者舉族而出之之辭也

公如齊五月公至自齊

癸巳陳夏徵舒弑其君平國

六月宋師伐滕

公孫歸父如齊葬齊惠公

晉人宋人衛人曹人伐鄭

秋天王使王季子來聘傳其曰王季王子也

其曰子尊之也聘問也

子者貴稱

公孫歸父帥師伐邾取繹繹公作繹

大水

季孫行父如齊

春火穀梁宣公

春秋傳

冬公孫歸父如齊

齊侯使國佐來聘

饑

楚子伐鄭

十有一年春王正月

夏楚子陳侯鄭伯盟于夷陵

夷左公作辰

公孫歸父會齊人伐莒

秋晉侯會狄于欒函

傳

不言及外狄

欒音纂

春秋傳

冬十月楚人殺陳夏徵舒**傳**此入而殺也其

不言入何也外徵舒於陳也其外徵舒於陳

何也明楚之討有罪也

丁亥楚子入陳**傳**入者內弗受也日入惡入

者也何用弗受也不使夷狄為中國也

楚子納淫亂之人制其君臣顛倒上下是

以夷狄為中國

納公孫寧儀行父于陳**傳**納者內弗受也輔

不穀梁宣公

十三

皆臣婁

人之不能民而討猶可入人之國制人之上

下使不得其君臣之道不可寧公作甯

上下

十有二年春葬陳靈公

楚子圍鄭

夏六月乙卯晉荀林父帥師及楚子戰于邲
晉師敗績傳績功也功事也

舊解此戰事書日者為敗之故也徐邈云

日當作曰於此發傳者深閔中國大敗于

強楚也以日為語辭理足通矣但舊解為

日月之日故皆存之

秋七月

冬十有二月戊寅楚子滅蕭

晉人宋人衛人曹人同盟于清邱

宋師伐陳衛人救陳

宋人穀梁宣公

西晉子襄

春秋傳

十有三年春齊師伐莒公作伐衛

夏楚子伐宋

秋螽

冬晉殺其大夫先穀

十有四年春衛殺其大夫孔達

夏五月壬申曹伯壽卒

晉侯伐鄭

秋九月楚子圍宋

春秋

齊曹文公

冬公孫歸父會齊侯于穀

十有五年春公孫歸父會楚子于宋

夏五月宋人及楚人平傳平者成也善其量

力而反義也人者眾辭也平稱眾上下欲之

也外平不道以吾人之存焉道之也

量力而反義者各自知力不能相制反共

和之義也吾人謂歸父

春秋穀梁宣公

十五

齊古樓

六月癸卯晉師滅赤狄潞氏以潞子嬰兒歸
傳滅國有三術中國謹日卑國月夷狄不日
其日潞子嬰兒賢也

術猶道也襄六年傳中國日卑國月夷狄
時此云不日者方釋書日之意故不云夷
狄時也嬰兒復稱名者書日以表其賢書
名以見滅國善惡兩舉也

秦人伐晉

王札子殺召伯毛伯**傳**王札子者當上之辭
也殺召伯毛伯不言其何也兩下相殺也兩
下相殺不志乎春秋此其志何也矯王命以
殺之非忿怒相殺也故曰以王命殺也以王
命殺則何志焉為天下主者天也繼天者君
也君之所存者命也為人臣而侵其君之命
而用之是不臣也為人君而失其命是不君
也君不君臣不臣此天下所以傾也

不言其解經不言殺其大夫也

秋螽

仲孫蔑會齊高固于無婁

無公作牟

初稅畝傳初者始也古者什一藉而不稅初稅畝非正也古者三百步為里名曰井田井田者九百畝公田居一私田稼不善則非吏公田稼不善則非民初稅畝者非公之去公田而履畝十取一也以公之與民為已悉矣

古者公田為居井竈蔥韭盡取焉

藉而不稅借民力治公田而不稅民之私也非責也吏田峻也吏急民使不得營私田故非之非民勤私也何休曰宣公無恩信於民民不肯盡力公田故公家履踐案行擇其穀最好者稅取之故曰履畝徐邈曰除去公田之外又稅私田之十一也為居八家共居

春秋穀梁宣公

十七 信古婁

卷之傳

和古本

冬蠓生傳蠓非災也其曰蠓非稅畝之災也

劉歆云此蚘蟚子董仲舒云蝗子非稅畝之非責也

饑

十有六年春王正月晉人滅赤狄甲氏及留

吁

夏成周宣榭災傳周災不志也其曰宣榭何

也以樂器之所藏目之也榭公作謝災左作火

移風易俗莫善於樂是故貴其器

秋鄰伯姬來歸

冬大有年傳五穀大熟為大有年

十有七年春王正月庚子許男錫我卒

丁未蔡侯申卒

夏葬許昭公

葬蔡文公

六月癸卯日有食之

齊火穀梁宣公

齊魯古婁

已未公會晉侯衛侯曹伯邾子同盟于斷道

傳同者有同也同外楚也

秋公至自會

冬十有一月壬午公弟叔肸卒**傳**其曰公弟叔肸賢之也其賢之何也宣弑而非之也非之則胡為不去也曰兄弟也何去而之與之財則曰我足矣織屨而食終身不食宣公之食君子以是為通恩也以取貴乎春秋

宣公弑子赤叔肸嘗非之何去而之無所至也論情可以明親親言義足以厲不軌矣故貴之

十有八年春晉侯衛世子臧伐齊

公伐杞

夏四月

秋七月邾人戕繒子于繒**傳**戕猶殘也稅殺

也繒在綾反稅他活反

春秋穀梁

宣公

十九

宣公

椀槌打也字林云木杖也

甲戌楚子呂卒傳夷狄不卒卒少進也卒而不日日少進也日而不言正不正簡之也

楚莊王也中國正則日不正則不日夷狄進之則日不論正不正故云簡之

公孫歸父如晉

冬十月壬戌公薨于路寢傳正寢也

歸父還自晉至櫪遂奔齊傳還者事未畢也

自晉事畢也與人之子守其父之殯捐殯而奔其父之使者是以奔父也至櫪遂奔齊遂繼事也

成公與歸父之子共守宣公之殯父命未反而已逐之是與親奔父無異矣奔猶逐也

春秋穀梁傳宣公終

春秋穀梁傳

晉范甯集解

明閔齊伋裁注

成公

元年春王正月公即位

二月辛酉葬我君宣公

無冰傳終時無冰則志此未終時而言無冰

何也終無冰矣加之寒之辭也

春秋穀梁傳成公

卷一百一十五

周二月夏之十二月也此月既常寒之月於寒之中又如加甚常年過此無冰終無復冰矣

三月作邱甲傳作為也邱為甲也邱甲國之事也邱作甲非正也邱作甲之為非正何也古者立國家百官具農工皆有職以事上古者有四民有士民有商民有農民有工民夫甲非人人之所能為也邱作甲非正也

周禮九夫為井四井為邑四邑為邱甲鎡也使一邱之民皆作甲也

夏滅孫許及晉侯盟于赤魃

秋王師敗績于貿戎傳不言戰莫之敵敵也為尊者諱敵不諱敗為親者諱敗不諱敵尊尊親親之義也然則孰敗之晉也貿左

諱敵使莫二也不諱敗容有過否諱敗惜其毀折也不諱敵諸侯有列國

春秋穀梁成公

二

晉丁未

春秋傳

和古傳

冬十月傳季孫行父禿晉郤克眇衛孫良夫跛曹公子手僂同時而聘於齊齊使禿者御禿者使眇者御眇者使跛者御跛者使僂者御僂者蕭同姪子處臺上而笑之聞於客客不說而去相與立胥閭而語移日不解齊人有知之者曰齊之患必自此始矣

御迎也蕭國也同姓也姪子字也其母更嫁齊惠公生頃公宣十二年楚人滅蕭故

隨其母在齊胥閭門名

二年春齊侯伐我北鄙

夏四月丙戌衛孫良夫帥師及齊師戰于新築衛師敗績

六月癸酉季孫行父臧孫許叔孫僑如公孫嬰齊帥師會晉郤克衛孫良夫曹公子手及齊侯戰于鞏齊師敗績傳其日或曰日其戰也或曰日其悉也曹無大夫其曰公子何也

春秋穀梁成公

三

齊五其

以吾之四大夫在焉舉其貴者也

于左氏作首

悉謂魯大夫悉在戰也舉其貴言不欲令

內眾大夫與外卑者共行戰

秋七月齊侯使國佐如師已酉及國佐盟于

爰婁傳葦去國五百里爰婁去國五十里一

戰絲地五百里焚雍門之茨侵車東至海君

子聞之曰夫甚甚之辭焉齊有以取之也齊

之有以取之何也敗衛師于新築侵我北鄙

敖郤獻子齊有以取之也爰婁在師之外郤

克曰反魯衛之侵地以紀侯之獻來以蕭同

姪子之母為質使耕者皆東其畝然後與子

盟國佐曰反魯衛之侵地以紀侯之獻來則

諾以蕭同姪子之母為質則是齊侯之母也

齊侯之母猶晉君之母也晉君之母猶齊侯

之母也使耕者盡東其畝則是終土齊也不

可請一戰一戰不克請再再不克請三三不

不火穀梁成公

四 晉子婁

克請四四不克請五五不克舉國而授於是而與之盟

去國去齊國也雍門齊城門茨蓋也侈車侵伐之車也爰婁在師之外言師已逼其國矣甌玉甌東其畝欲以利其戎車侵伐易也終土齊也者謂利其戎車侵伐易則是以齊為土矣

八月壬午宋公鮑卒

庚寅衛侯速卒

取汶陽田

冬楚師鄭師侵衛

十有一月公會楚公子嬰齊于蜀傳楚無大

夫其曰公子何也嬰齊克也

丙申公及楚人秦人宋人陳人衛人鄭人齊人曹人邾人薛人繒人盟于蜀傳楚其稱人何也於是而後公得其所也會與盟同月則

春秋穀梁成公

五

晉書

春秋傳

稱古禮

地會不地盟不同月則地會地盟此其地會地盟何也以公得其所申其事也今之屈向之驕也

于會書公子以顯其亢于盟稱人以表服罪申其事謂地會地盟也

三年春王正月公會晉侯宋公衛侯曹伯伐鄭

辛亥葬衛穆公

二月公至自伐鄭

甲子新宮災三日哭傳新宮者禰宮也三日哭哀也其哀禮也迫近不敢稱諡恭也其辭恭且哀以成公為無譏矣

乙亥葬宋文公

夏公如晉

鄭公子去疾帥師伐許

公至自晉

子火穀梁

成公

六

晉子襄

春秋傳

秋叔孫僑如帥師圍棘

大雩

晉郤克衛孫良夫伐牆咎如

牆左作慶
公作將

冬十有一月晉侯使荀庚來聘衛侯使孫良

夫來聘

丙午及荀庚盟丁未及孫良夫盟傳其日公

也來聘而求盟不言及者以國與之也不言

其人亦以國與之也不言求兩欲之也

不言及謂凡書來盟者若宣七年衛孫良

夫來盟是也以國與之謂舉國為主故直

書外來爾此先聘而後盟故不言來盟總

言及而不復著其人亦是舉國之辭

鄭伐許

四年春宋公使華元來聘

三月壬申鄭伯堅卒

杞伯來朝

春秋穀梁成公

七

晉古雙

春秋傳

夏四月甲寅臧孫許卒

和上本

公如晉

葬鄭襄公

秋公至自晉

冬城鄆

鄭伯伐許

五年春王正月杞叔姬來歸傳婦人之義嫁曰歸反曰來歸

仲孫蔑如宋

夏叔孫僑如會晉荀首于穀首公作秀

梁山崩傳不曰何也高者有崩道也有崩道則何以書也曰梁山崩壅遏河三日不流晉君召伯尊而問焉伯尊來遇輦者輦者不辟使車右下而鞭之輦者曰所以鞭我者其取道遠矣伯尊下車而問焉曰子有聞乎對曰梁山崩壅遏河三日不流伯尊曰君為此召

春秋穀梁成公

八

信古樓

我也為之奈何輦者曰天有山天崩之天有
 河天壅之雖召伯尊如之何伯尊由忠問焉
 輦者曰君親素縞帥羣臣而哭之既而祠焉
 斯流矣伯尊至君問之曰梁山崩壅遏河三
 日不流為之奈何伯尊曰君親素縞帥羣臣
 而哭之既而祠焉斯流矣孔子聞之曰伯尊
 其無績乎攘善也伯尊左氏作伯宗
 不日何也者據僖十四年秋八月辛卯沙

鹿崩也彼無崩道而崩故謹而書日所以
 鞭我者其取道遠謂所用鞭我之閒行道
 則可遠矣伯尊以其言有理知非庸人故
 下車問之由忠問用忠誠之心問之也山
 崩川塞示哀窮所以凶服績功也攘盜也
 取輦者之言而行之非已之功也

秋大水

冬十有一月己酉天王崩

春秋穀梁成公

十有二月己丑公會晉侯齊侯宋公衛侯鄭伯曹伯邾子杞伯同盟于蟲牢

六年春王正月公至自會

二月辛巳立武宮傳立者不宜立也

取鄆傳鄆國也

衛孫良夫帥師侵宋

夏六月邾子來朝

公孫嬰齊如晉

壬申鄭伯費卒

秋仲孫蔑叔孫僑如帥師侵宋

楚公子嬰齊帥師伐鄭

冬季孫行父如晉

晉欒書帥師救鄭救公作侵

七年春王正月鼯鼠食郊牛角改卜牛鼯鼠

又食其角乃免牛傳不言曰急辭也過有司

也郊牛曰展斛角而知傷展道盡矣其所以

奉火穀梁成公

十晉古慶

備災之道不盡也改卜牛鼯鼠又食其角又有繼之辭也其緩辭也曰亡乎人矣非人之所能也所以免有司之過也乃免牛乃者亡乎人之辭也免牲者為之緇衣纁裳有司元端奉送至于南郊免牛亦然免牲不曰不郊免牛亦然

急辭者辭中促急不容日也斛球球然角貌有司展察牛而即知傷是展察之道盡

一不能防災禦患致使牛傷故不書日以顯有司之過也至復食乃知國無賢君天災之爾非有司之過故言其以赦之

吳伐鄭

夏五月曹伯來朝

不郊猶三望

秋楚公子嬰齊帥師伐鄭公會晉侯齊侯宋公衛侯曹伯莒子邾子杞伯救鄭八月戊辰

事火穀梁

成公

十一

魯古婁

同盟于馬陵公至自會

吳入州來

冬大雩雩不月而時非之也冬無為雩也

衛孫林父出奔晉

八年春晉侯使韓穿來言汶陽之田歸之于

齊傳于齊緩辭也不使盡我也

若曰為之請歸不使晉制命于我

晉欒書帥師侵蔡

公孫嬰齊如莒

宋公使華元來聘

夏宋公使公孫壽來納幣

晉殺其大夫趙同趙括

秋七月天子使召伯來錫公命傳禮有受命

無來錫命錫命非正也曰天子何也曰見一

稱也錫左作賜

天王天子王者通稱未有言天子者今言

不火穀梁成公

天子是更見一稱

冬十月癸卯杞叔姬卒

晉侯使士燮來聘

叔孫僑如會晉士燮齊人邾人伐邾

衛人來媵傳媵淺事也不志此其志何也以

伯姬之不得其所故盡其事也

不得其所謂災死江熙曰宋共失德傷伯

姬賢而嫁不得其所

九年春王正月杞伯來逆叔姬之喪以歸傳曰夫無逆出妻之喪而為之也

言不合為而為之

公會晉侯齊侯宋公衛侯鄭伯曹伯莒子杞

伯同盟于蒲公至自會

二月伯姬歸于宋

夏季孫行父如宋致女傳致者不致者也婦

人在家制於父既嫁制於夫如宋致女是以

春秋穀梁成公

我盡之也不正故不與內稱也逆者微故致女詳其事賢伯姬也

致女致敕戒之言於女也以我盡之者已嫁而猶以父制盡之也內稱謂稱使

晉人來媵傳媵淺事也不志此其志何也以伯姬之不得其所故盡其事也

秋七月丙子齊侯無野卒

晉人執鄭伯晉欒書帥師伐鄭傳不言戰以

鄭伯也為尊者諱恥為賢者諱過為親者諱疾

欒書以鄭伯伐鄭君臣無戰道故不言戰為尊者諱恥王師敗績于貿戎是也為賢者諱過為齊桓諱滅項是也為親者諱疾此不言戰是也鄭兄弟之國故謂之親君臣交兵病莫大焉故為之諱

冬十有一月葬齊頃公

春秋穀梁成公

十四

信行書

楚公子嬰齊帥師伐莒庚申莒潰傳其日莒雖夷狄猶中國也大夫潰莒而之楚是以知其上為事也惡之故謹而日之也

上為事謂臣以叛君為事明君臣無道也

潰例月甚之故日

楚人入鄆

秦人白狄伐晉

鄭人圍許

城中城傳城中城者非外民也

中城者郭之內而宮之外也

十年春衛侯之弟黑背帥師侵鄭

夏四月五卜郊不從乃不郊傳夏四月不時

也五卜強也乃者亡乎人之辭也

五月公會晉侯齊侯宋公衛侯曹伯伐鄭

齊人來媵

丙午晉侯孺卒

春秋穀梁成公

者不傳
秋七月公如晉

冬十月

十有一年春王三月公至自晉

晉侯使郤欒來聘已丑及郤欒盟欒公作州

夏季孫行父如晉

秋叔孫僑如如齊

冬十月

十有二年春周公出奔晉傳周有入無出其

曰出上下一見之也言其上下之道無以存

也上雖失之下孰敢有之今上下皆失之矣

上謂僖二十四年天王出居于鄭下謂今

周公出奔上下皆一見之上雖有不君之

失臣下莫敢效不臣之過今復云周公之

出則上下皆有失矣

夏公會晉侯衛侯于瑣澤瑣公作沙

秋晉人敗狄于交剛傳中國與夷狄不言戰

春秋穀梁成公

皆曰敗之夷狄不曰

冬十月

十有三年春晉侯使卻錡來乞師傳乞重辭也古之人重師故以乞言之也

三月公如京師傳公如京師不月月非如也非如而曰如不叛京師也

時實會晉伐秦因其過朝故正其文若使本自生

夏五月公自京師遂會晉侯宋公衛侯鄭伯

曹伯邾人滕人伐秦傳言受命不敢叛周也

使若王命已伐秦也叛周謂專征伐

曹伯廬卒于師傳傳曰閔之也公大夫在師

曰師在會曰會左作廬

秋七月公至自伐蔡

冬葬曹宣公傳葬時正也

十有四年春王正月莒子朱卒

春秋穀梁成公

夏衛孫林父自晉歸于衛

秋叔孫僑如如齊逆女

鄭公子喜帥師伐許

九月僑如以夫人婦姜氏至自齊傳大夫不

以夫人以夫人非正也刺不親迎也僑如之

挈由上致之也

冬十月庚寅衛侯臧卒

秦伯卒

十有五年春王正月葬衛定公

三月乙巳仲嬰齊卒傳此公孫也其曰仲何

也子由父疏之也

此蓋仲遂之子父有弑君之罪故不得言

公子父不言公子則子不得稱公孫是見

疏之罪由父故

癸丑公會晉侯衛侯鄭伯曹伯宋世子成齊

國佐邾人同盟于戚晉侯執曹伯歸于京師

春火穀梁

成公

十八

晉五婁

傳以晉侯而斥執曹伯惡晉侯也不言之急辭也斷在晉侯也

成公羊作戊歸之下公羊有之字

以侯執伯執之不以其罪也斷在晉侯明

晉之私也

公至自會

夏六月宋公固卒

楚子伐鄭

秋八月庚辰葬宋共公傳月卒日葬非葬者

也此其言葬何也以其葬共姬不可不葬共公也葬共姬則其不可不葬共公何也夫人之義不踰君也為賢者崇也

共公正立卒當書日葬無甚危則當錄月

今反常違例故知不葬者也然則共公之

不宜書葬昏亂故

宋華元出奔晉宋華元自晉歸于宋

宋殺其大夫山

春秋穀梁成公

宋魚石出奔楚

冬十有一月叔孫僑如會晉士燮齊高無咎宋華元衛孫林父鄭公子鱣邾人會吳于鍾離傳會又會外之也

再書會者殊外夷狄

許遷于葉傳遷者猶得其國家以往者也其地許復見也

十有六年春王正月雨木冰傳雨而木冰也

志異也傳曰根枝折

雨而木冰雨著木成冰也

夏四月辛未滕子卒

鄭公孫喜帥師侵宋

六月丙寅朔日有食之

晉侯使欒黶來乞師

甲午晦晉侯及楚子鄭伯戰于鄢陵楚子鄭

師敗績傳日事遇晦曰晦四體偏斷曰敗此

春火穀梁

成公

二十

晉古樓

其敗則日也楚不言師君重於師也

楚殺其大夫公子側

秋公會晉侯齊侯衛侯宋華元邾人于沙隨

不見公傳不見公者可以見公也可以見公

而不見公譏在諸侯也

公至自會

公會尹子晉侯齊國佐邾人伐鄭

曹伯歸自京師傳不言所歸歸之善者也出

入不名以為不失其國也歸為善自某歸次之

歸為善謂直言歸而不言其國此曹伯歸

自京師不言于曹是也自某歸若蔡季自

陳歸于蔡

九月晉人執季孫行父舍之于茗邱傳執者

不舍而舍公所也執者致而不致公在也何

其執而辭也猶存公也存意公亦存也公存

不火穀梁

成公

三

晉占婁

春秋傳

也召公作招

公所也者以公在茗邱故也公在茗邱而言舍者明不得致也若既不致復不言舍則無以見其舍矣公在在茗邱也見舍于茗邱還國則與公俱不得致者重在公也何其執而辭也問何故書執季孫行父而言舍之復不致之為辭邪猶存公也者時行父雖為晉所執猶欲存公之所在故不

禾下本

致行父又言舍之皆所以見公在茗邱也存意公亦存也者問存舍之不致之意便可知公所在乎公存也答上問意但存此二事即知公在茗邱矣

冬十月乙亥叔孫僑如出奔齊

十有二月乙丑季孫行父及晉郤犍盟于扈

公至自會

乙酉刺公子偃傳大夫日卒正也先刺後名

春秋穀梁成公

三 舊古樓

殺無罪也

十有七年春衛北宮括帥師侵鄭括公羊作結

夏公會尹子單子晉侯齊侯宋公衛侯曹伯

邾人伐鄭

六月乙亥同盟于柯陵傳柯陵之盟謀復伐

鄭也

秋公至自會傳不曰至自伐鄭也公不周乎

伐鄭也何以知公之不周乎伐鄭以其以會

致也何以知其盟復伐鄭也以其後會之人
盡盟者也不周乎伐鄭則何為日也言公之
不背柯陵之盟也

周信也公逼諸侯為此盟爾意不欲更伐
鄭也後會謂冬公會單子也何為日也據
無伐鄭意而強盟盟不由忠不當日也不
背謂舍已從人遂伐鄭也

齊高無咎出奔莒

春秋穀梁成公

九月辛卯用郊傳夏之始可以承春以秋之未承春之始蓋不可矣九月用郊用者不宜用也宮室不設不可以祭衣服不修不可以祭車馬器械不備不可以祭有司一人不備其職不可以祭祭者薦其時也薦其敬也薦其美也非享味也

郊春事也四月不時今言可者方明秋末之不可故以是為猶可也一事闕猶不可

祭何得九月用郊乎

晉侯使荀瑩來乞師

冬公會單子晉侯宋公衛侯曹伯齊人邾人伐鄭傳言公不背柯陵之盟也

十有一月公至自伐鄭

壬申公孫嬰齊卒于貍傳十一月無壬申

壬申乃十月也致公而後錄臣子之義也其

地未踰竟也

屨左作脈公作軫

春秋穀梁

成公

二

晉

嬰齊實以十月壬申卒而公以十一月還先致公而後錄其卒故壬申在十一月下

十有二月丁巳朔日有食之

邾子貜且卒

晉殺其大夫卻錡卻犇卻至傳自禍於是起矣

厲公見殺之禍

楚人滅舒庸

十有八年春王正月晉殺其大夫胥童

庚申晉弑其君州蒲傳稱國以弑其君君惡甚矣

齊殺其大夫國佐

公如晉

夏楚子鄭伯伐宋宋魚石復入于彭城

公至自晉

晉侯使士匄來聘

齊人穀梁成公

春秋傳

秋杞伯來朝

八月邾子來朝

築鹿囿傳築不志此其志何也山林藪澤之利所以與民共也虞之非正也

已丑公薨于路寢傳路寢正也男子不絕婦人之手以齊終也

冬楚人鄭人侵宋

晉侯使士魴來乞師魴公作彭

十有二月仲孫蔑會晉侯宋公衛侯邾子齊

崔杼同盟于虛朶

丁未葬我君成公

穀梁成公

三十一

